



26. februar 2016

FM2016/95

Inatsisartut suleriaasianni § 33 naapertorlugu aaliangiiffigisassatut siunnersuut imaattoq matumuuna saqqummiuppara:

Suliffeerunnermi ikiorsiissutinik ullut 14-kkaarlugit tunniunneqartartunik pisartagaqartut, ulluni suliffiusuni tulleriinni marlunni pisartakkaminnik ilanngaanneqartarunnaarnissaat siunertaralugu, Naalakkersuisut Ukiakkut Ataatsimiinnermi 2017-imi, Suliffeerunnermi ikiorsiissutit pillugit inatsisartut inatsisaannut nr. 2, 15. maj 2014-imeersummut, allannguutissamik siunnersuuteqaqquneqarnissaannik aalajangiiffigisassatut siunnersuut.

(Inatsisartunut ilaasortaq Agathe Fontain, Inuit Ataqatigiit)

Tunggavilersuut:

Suliffissaaleqisut nerisassarsiutissaminut pisartagaqarput ilaatigut amigartutut taaneqartari-aqartunik. Ullunut 14-nut nerisassarsiutissat assersuutigalugu Qeqqata kommuneani 770,- kr. Inuit ikiorsiissutinik pisartagallit ilaanni sulinissanut annikinnerusunut innersuunneqartarput, suliffimmik ataavartuunngikkaluartumik. Ulloq ataaseq marlulluuniit taartitut sulisimaguit, ullut marluk pisartakkanniit ilanngaattissaatit.

Taamatut pisoqartillugu kommuneni suliffissarsiortut pisartagaannik naatsorsuisartut, naatsorsuisaqattaalartarput, ullut marluk sulinerit ilanngaanissat naatsorsorlugu, naak annikikkaluaqisut, imaappoq allaffissornermik suliaqartitsineq pilertarpoq.

Kommunalbestyrelsemi ilaasortat ilisarissavaat, taamatut pisoqartartillugu naammattuu-gassaammata, inuit pisortat ikiorsiissutaannik pisartagallit, ilanngaanneqassatillutik taamak sulinernit annikitsigisuniit, annikirtsumik sulinissamut soorlu vikariunissanut kajumissusiat annertusinerulerneq ajormat, kajumissutsimilli annikillisaasarmat.

Siunnersuut akuerineqassappat, inuit pineqartut naammaannartumik pisortat ikiorsiissutaannik pisartagallit, taartitut, allatulluuniit sulilaarnissamut kajuminnerulissapput, kajuminneru-lernerlu ataavartumik sulilernissamut annertusaassaaq.

Inuit suliffissaaleqinermik, taamaalillutillu pisortat ikiorsiissutaannik pisartagaqarnermik misilittagaqanngitsut takorlooruminaatsissinnaavaat, inuk ullut 14-kaarlugit naqitsiinnartartoq qanoq imminut tatiginera annikitsigisinnaasoq, ullaakkut makissutissaqarani, ullormut suliassamik naatsorsuussaqaqanngitsoq, soqutigisaarunnermik aqqusaagaqartarmat. Sulinermilli annikikkaluamik "kingunipiloqanngitsumik" nalaataqarneq, sulerususseqarnermik kinguneqar-sinnaavoq. Suliffiup misilittakkani naapertorlugu inuk pineqartoq sullarippat sulisorilernissaanut periarfissinnaalissammagu.

Pisortanut aningaasatigut allaffissornermik kingunerisassat.

Inatsimmi killiliisumik iluarsineq sulisutigut annerpaamik AC-p ukiumut sulinerata ¼-nik, 250.000 kr.-inik, nalilimmik annertussuseqassasoq naatsorsuutigineqarpoq. Taakkununga ilaapput nutserisitsinernut, tusarniaanermut allanullu aningaasartuutissat. Imaassinnaalluarpog kommunit inatsimmut siunnersuummut tunngatillugu allaffissornermikkut annikitsumik suliaqarnerulissasut, tassa malittarisassat aqunneqarneranni allaffissornermikkut aningaasartuuteqarlutik. Aningaasartuuteqarnerulernissarli takorloorneqartoq

annikitsuinnaasussatut takorloorneqarpoq, tassa suliffeerunnermi ikiorsiissutit pillugit inatsimmut tunngatillugu aqutsillutik suliaqareermata allaffissornertaalu pigereerlugu.

Suliffeerunnermi ikiorsiissutit tunniunneqarnerini ulluni suliffiusuni tulleriinni **marlunni** pisartakkat ilanngaanneqartarunnaarnerini pisortat aningaasatigut annaasaqarnissartik ilimagaat. Taamatulli aningaasatigut annaasaqaateqarnissami suliffissarsiortup suliasamik tigusinissaminut kajumissuseqalernissaa siunnersuutikkut anguniarneqartoq isiginiassavarput, tassa piffissami sivikitsumi taartitit sulinermi toqqaannartumik aningaasatigut iluaqutissartaqartoq. Tamanna suliffissaaleqisut sulisitsisunut akulikinnerusumik attaveqartalernerannik kinguneqarsinnaavoq taamatullu aalajangersimasumik suliffeqalernissamat periarfissarissaarnerulissallutik. Suliffissaaleqisut sulilersinneranni inuiaqatigiit iluanaarutissaannut tunngasut naatsorsorneqarsimapput.

Tamanna nalunaarusiami 'Nuna ataaseq -suliffissaqartitsiniarneq ataaseq', 2014-2017 SULIFFISSAQARTITSINERMI PERIUSISSIAQ 2015-mi qup. 89-imi ima allassimavoq Suliffissaaleqisoq suliffeqaleraangat, tamatuma pisortat aningaasarsiortat iluaquser tarpaa, akileraarutitsigut isaasutigut aamma pisortanit ikiorsiissutitsigut siparneqartutigut. Suliffissaaleqisoq ataaseq suliffeqaleraangat, tamanna nalinginnaasumik pisortanut iluanaarutaasarpog, 100.000 kr.-it 200.000 kr.-llu missaanni". Aalajangiiffigisassatut siunnersuutip matuma aningaasatigut iluaqutissartaqarnera anguniakkap tamatuma anguneqarnissaanut qanillisataassasutut isigivara.

Namminersorluni inuussutissarsiuteqarnermut aningaasatigut allaffissornikkullu kingunerisassat.

Soqanngilaq

Innuttaasunut aningaasatigut allaffissornikkullu kingunerisassat.

Aalajangiiffigisassatut siunnersuut naapertorlugu innuttaasut suliffissarsiortut taartitit suliaqartut aningaasatigut iluaquserneqassapput.